

Diabolara Norokko Nirok Simsakgipa **Ong-ama?**



Amazing Facts
Poraiani

11



Da·ode? Diabolko Isol dormaha on-e gimagiparangna sastiko hisap ka-china, norokni skotonggipa dake donbebeama? A-gimikchin ong-nasipile norokni bidingo Sastroni gita ong-gija bebera-aniko rim-kingkinga, aro Sastro maikomancha aganachim uko ma-sie ra-na gita na-a an-tangna groko nanggipa ong-a. Tol-pinapako man-abe—maina na-a norokni gimin maiko chanchiachim, ua Isolni bidingo nang-ni chanchianiko dingtangata! Da-alo aiao inmangipa kakket ong-aniko nang-ni ma-sina nangenggipako man-na gita adita somoiko ra-bo!

1

Badita sak gimagimin janggirang da-alo noroko sastiko man-tokengaha?

“Olakkigiparangko dakmajoaoniko jokatna aro toromi ong-gijarangko bichalni salona kingking sastio rakkina Gitel changa” (2 Pitor 2:9).

Aganchakani: Da-alo saksa janggimangba norokni wal-sareo dongkuja. Sastiko on-na gita bichalni salona kingking papirangko, Isol rakkia, ba rim-rika inesa Sastro agana.

2

Gimagiminrangko basako norokni wal-sareona galatgen?

“Uandake a-gilsak bon-kamao ong-gen. Mandeni Depante An-tangni sa-grerangko watatgen, aro uamang uni songnokoniko pilak jagidotanirangko, aro namgija dakgiparangko chimonge wa-alni a-kolo uamangko galgen; unon grapa aro wagam chikmijila ong-gen” (Mati 13:40-42). “Angni agana kattan chon-kaman salo uko bichal ka-gen” (Johan 12:48).

Aganchakani: Gimagiminrang a-gilsakni chon-kaman salo dal-gipa bichalani somoio norokni wa-alona galako man-gen—uamangni siahaon ong-ja. A-gilsakni bon-ao bichal ka-ramo porika ka-e nimane tik ka-kujaskal mandeko Isol sasti on-jawa. Isol bilsa 5,000na skang sigimin mande so-otgipako ba bilsa 5,000na bate ru-ute tanggipa mande so-otgipa jean da-alo siahachim uko wa-alchi so-gen ine agananiara aro apsan papna apsangipa sastiko man-na krara ine agananiara orto nganggipa ong-ama? (Abachenga 18:25).



3

Simangimin jokgijagiparangara bano?

"Maina jensalo goprangrangko donggipa darangan uni ku-rangko knagen, aro namarangko dakgiparang janggini chakatpilaona, aro namgijarangko dakronggiparang bichalni chakatpilaona ong-katgen" (Johan 5:28, 29). "Denggugiparangko nisiaatani salo rakkiako man-a? ... Aro uade, goprangara ripeangako man-a, aro goprangni kosako nitima gnang" (Job 21:30, 32).

Aganchakani: Sastro namen rongtale talata. Jokgijagipa aro jokgipa dolgni jemangan siahachim, chakatpilani sal sokkujaskalna kingking uamang uamangni goprangon "tusie" dongenga. (Simano maia mancha ong-achim uko nambate ma-sibatna gita Poraiani 10ko nibo.)



4

Papni bon-kamgipa biteara maia?

"Papni dormaha sia, indiba Isolni ka-sae on-aniara an-chingni Gitel Kristo Jisuo jringjrotni janggi ong-a" (Romrangna 6:23). "Aro ua pap brienba sianiko ba-a" (Jakob 1:15). "Isol ... An-tangni saksa kamkam depantekon on-jok, maikai uo bebera-gipa sakanti gimagija jringjrotni janggiko man-gen" (Johan 3:16).

Aganchakani: Papni dormahara (ba biteara) sia ong-a, norokni wal-sareo jringjrotna janggi tangkame dongani ong-ja. Denggugiparang "gimagen" ba "sigen." Toromigiparang "jringjrotni janggiko" man-gen.



An-chingni paponiko an-chingko jokatna Jisu siaha. Jemangan Uni indin on-gipa jokani cholko ra-chakjachim, uamang sigen.

5

Norokni wal-sareo papirangna mai ong-gen?

"Kengiparang aro bebero-gijagiparang, mitchianirang aro mande so-otgiparang, aro til-ekgiparang aro montol dakgiparang, aro mite dakaniko olakkigiparang, aro pilak tol-giparang wa-al aro gondoko ching-gipa wario bak man-pagen. Uan gnigipa siani ong-a" (Parape-a 21:8).



Aganchakani: Papirang norokni wal-sareo gnigipa changna sigen. Papirang noroko kamretretako man-e jringjrotna tanggengchimo, uamang jringjrotna sigijagipa ong-gnok. Indiba ian ong-na amgijani ong-a maina Sastro indake agana Isolsan "sigijani gnang" (1 **Timothy** 6:16). Jensalo Adam aro Hobab, Eden Barioni ong-katangahaon, sa-gre boljanggiko dongtimaha jedakode papirang bolni bitekko cha-e "jringjrotna janggi tangjawa" (**Abachenga** 3:22-24). Papirang noroko jringna sijawa ine skianiara Satanoni ong-baa aro uan ong-chongmotja. A-gilsakona pap napahaon bol janggiko dongtimatachi Isol iakon champengaha.

PAPIRANGKO NISIATGEN INE SASTRO AGANA

Papirang ... "sia" ko chagronggen	Romrangna 6:23
... "nisiatani" ko man-gen	Job 21:30
... "gimagen"	Gitrang 37:20
... "kamgen"	Malaki 4:1
... "damsan gimaatako" man-rimgen	Gitrang 37:38
... "gimagen"	Gitrang 37:20
... "rasote galako" man-gen	Gitrang 37:9
... "so-otna" man-gen	Gitrang 62:3
Isol uamangko "gimaatgen"	Gitrang 145:20
Wa-al uamangko "cha-minokgen."	Gitrang 21:9

*larang pilakni,
papirang sigen
aro nisiatako
man-gen ine sakki
on-anirangko nie
nibo. Uamang
aiao inmananio
jringjrotna janggi
tangjawa.*



6

Basako aro maikai norokni wal-sarekora so-gen?

"Uandake a-gilsak bon-kamao ong-gen. Mandeni Depante An-tangni sa-grerangko watatgen, aro uamang uni songnokoniko pilak ja-gidotanirangko, aro namgija dakgiparangko chimonge wa-alni a-kolo uamangko galgen" (*Mati 13:40-42*).

"Aro uamang a-ani apalako doangaha. Aro rongtalgiparangni a-tipko aro ka-sara songjinmako duulaha. Unon wa-al salgioni ong-onbae uamangko minokaha" (*Parape-a 20:9*). "Nibo, kakketgipa a-gilsakon on-pilskaakon man-gen; maikai batesa denggugipa aro papi man-jagen!" (*Toe Skianirang 11:31*).

Aganchakani: Norokni wal-sareko Isolan so-gen ine Sastro agana. Salgioniko rongtalgipa songjinmako ra-onbaani ja-mano (*Parape-a 21:2*), papirang uko chadramna jotton ka-gen. Ua somoio, Isol salgioniko wa-tomrangko a-gilsakni kosako ga-akdapgen, aro uan papirangko cha-minokgen. Ian wa-alan Sastroni gita nokrokni wal-sare ong-a.



7

Norokni wal-sareara baditana dal-gipa ong-gen aro baditana ding-gen?

"Gitelni sal cha-ugipa gita re-bagen; unon salgirang il-ilari bon-anggen, aro daggiminrang kame jronggen, aro a-a aro uano donggipa kamrangko kamgen" (*2 Pitör 3:10*).

Aganchakani: Jedakde a-gilsak dal-a ugitanan norokni wal-sareba ong-aigen maina a-gilsakkon wa-al kamgen. Ia wa-alara a-gilsakko jrongatna man-pile ding-gipa ong-gen aro pilak "uano donggipa kamrangko kamgen." Bangbanggipa "salgirang il-ilari bon-anggen."



8

Badita ru-ute papirangko noroko wa-al kamgen?

"Nibo, Anga bakbak re-baa; aro uamangni kam ong-a gita, sakantina on-na ine angni on-gni dormaha Ang baksan" (Parape-a 22:12). "Un salo uamangni dagkimin gita Ua sakantina on-gen" (Mati 16:27). "Aro giteltangni skako u-ieba tarisogija aro uni ska gita dagkijagipa nokol bang-a dokako man-gen. Indiba u-ijae doka mangniko dagkipa bang-gija dokako man-gen" (Luk 12:47, 48).

Aganchakani: Sina skang badita ru-ute papirang ua wa-alo sastiko man-genchim, uko Sastro an-chingna aganja. Indioba, pilakan an-tangtangni kamtangtang gita sastiko man-gen ine Isol dingtangmancha agananiko daka. Uni miksonganide, uamangni kamrango pangchake mitamrang sakgipinrangna bate ru-utbate sastiko man-gen.



9

Ua wa-alara ja-mano ka-sine sigenma?

"Nibo, uamang mini bichongdik gita ong-gen; wa-al uamangko kamgen; uamang an-tangtangko wal-sareni biloniko jokatzawa; ding-atna wal-ki ba wa-al chakna wa-al ong-jawa!" (Isaia 47:14). "Aro anga salgi gitalko aro a-a gitalko nikaha ... Aro Ua uamangni mikrononi pilak mikchiko u-sitgen; aro siani ong-jawaha aro kalimani, aro chrikani, aro saknani ong-jawaha. Skango ong-giparang re-angaha" (Parape-a 21:1, 4).

Aganchakani: Oe. Nokrokni wal-sare sigen ine Sastro dingtangmancha skianiko on-a—je uano "ding-atna wal-ki ba wa-al chakna wa-al" dongjawaha. Sastro indakeba agana je Isolni gital songnoko "skango ong-giparang" pilakan re-angnok. Norok, jean skango ong-giparagoni mingsa ong-achim, ukoba man-chapaha, uni gimin an-chingo Isolni ku-rachakgimin donga je ua dongjawaha.

Isolni An-tangni bobilrangko wal-sareo pangnajolna sastiko on-genchimode, bilongbatgipa dakgrikanio donggipa namjabatsranggipa mandena batemangba Ua ka-namjabatgipa aro ka-sachakani grigipa ong-genchim. Pangnajolna dongkamgipa norokni saknaanian Isolnaba norok gita ong-genchim, jean papibatsranggipa papinaba ka-sagipa ong-achim.

10

Jensalo wa-al siahaon, maia dongrikugen?

“Maina, nibo, chankol gita kamgipa sal re-baenga; aro pilak gaorade-gipa, aro pilak denggu dakgipa, megap gita ong-gen; aro uamangni ja-dil aro cheksikoba donjana gita, re-baenggipa sal uamangko kamgen ... Maina Angni donsogimin salo uamang na-simangni ja-pani ning-o tappra ong-gen ine Kotokrangni Jihova agana” (Malaki 4:1, 3).

Aganchakani: Da-ororo bang-a manderangni bebero-a gita, bisring gnanggipa kamgijagipa bosturang gita papirangko kamgen ine ia podo agangjaniko ma-sie ra-bo, indiba megaprang gitasa, jekon bon-e chon-e kamgen. Iano “kamgen” ingipa katta bon-srangniko miksonga. Jensalo wa-al siahaon mamungba dongjawaha, indiba tapprasan dongrikugen. **Gitrang 37:10, 20** o, Sastro indine agana, papirang wal-kuo bon-anggen aro bon-srange nisiatako man-gen.



11

Papirangara norokona be-en bimang gnangan napegenma aro, janggi aro bimang, minggnikon nisiatako man-genma?

“Nang-ni be-enni bak ge-sa gimaan, aro nang-ni be-en gimik norokona re-anggian nang-na nambata” (Mati 5:30). “Indiba be-enkomung janggiko noroko nisina Amgipana kenbo” (Mati 10:28). “Papko dakgipa mande uan sigen” (Ezekiel 18:20).

Aganchakani: Oe. Janggi tangenggipa mande chong-motan bimang gnangan norokona napegen aro, janggi aro bimang, minggnian nisiatako man-gen. Isoloni wa-al salgioni manderang chong-moton ga-akdapgen aro dongaoniko dongijaona uamangko tapprachangatgen.



12

Diabolara norokni wa-alko nirok simsakgipa ong-genma?

"Aro uamangko brangatgipa Diabolko wa-alni aro gondokni wario galaha" (**Parape-a 20:10**). "Nang-ko nigipa pilakni nikanio a-ani kosako Anga nang-ko tappra pil-ataha. ... Aro na-a dongjawaha" (**Ezekiel 28:18, 19**).

Aganchakani: Ong-manchaja! Diabolko wa-alo galgen, aro uan uko tappra pil-atgen.



13

"Norok" ingipa kattakoara kamenggipa ba sasti on-ram biap ine talatna pangnan Sastroo jakkalama?

Pangnande jakkalja. "Norok" ingipa kattako chang 54na KJV Sastroo jakkala, aro uano chang 12san "kamenggipa biap" ine talatani daka. Iako adita dingtang dingtang kattaranganiko dingtang dingtang ortonang baksa pe-aha, jekon ka-mao mesokatenga:

NIAM GITCHAMO

Chang 31 "Sheol" ingipa kattaoniko pe-aha, jeni ortoan "gopram" ine ong-a.

NIAM GITALO

Chang 10 "Hades" ingipa kattaoniko pe-aha, jeni ortoan "gopram" ine ong-a.

Chang 12 "Gehenna" ingipa kattaoniko pe-aha, jeni ortoan "kamenggipa biap" ine ong-a.

Chang 1 "Tartarus" ingipa kattaoniko pe-aha, jeni ortoan "andalgipa biap" ine ong-a.

U-ie Ra-ani: "Gehenna" ingipa kattakoara lbri katta "Ge-Hinnom" ingipaoniko ra-aha, jeni ortoan "Hinnomni A-kawe" ine ong-a. Ia a-kawe, jean Jerusalemni salgipeng aro saliramni gisepe dongachim, jeon sigimin matburungranko, jabol, aro gipin jakalgija galgimin bosturangko galram biap ong-achim. Rongtal an-talanina jaboldamko da-ororoni daka gita uano wa-alko so-kamaiachim. Sastroo "Gehenna" ba "Hinnomni A-kawe" ingipa kattako wa-alko me-sokna gita jakkalaha jean bon-kamani somoio gimagiminrangko nisigenchim. Gehennani wa-al pangnajolna dongkamgipa ong-ja. Ong-jaode, ua da-alonaba Jerusalemni salgipeng-saliramo kamkuenggenchim. Uandake norokni wa-alba pangnajolna dongkamjawa.

Norokni wal-sareni chong-motgipa Isolni miksonganiara maia?

"O na-simang sao man-giparang, diabol aro uni sa-grerangna daksoa jringjrotni wa-alona angoni re-angbo" (*Mati 25:41*). "Sakoba ua janggini ki-tapo seako nikjaode, uko wa-alni wario galaha" (*Parape-a 20:15*). "Maina on-tisa sal ong-kugen, unon namgija dakgipa dongjawaha ... Jihovani bobilrang ... bon-gen; wal-kuo uamang bon-anggen" (*Gitrang 37:10, 20*).

Aganchakani: Isolni miksonganide ian ong-a je a-gilsakko jringjrotna naljoke rakkina gita norok diabolko, pilak papko, aro joka man-gijagiparangko nisigen. Ia a-gilsako on-titi pap dongrikgenchimode jringjrotna a-gimikko saknaatgipa signigipa sabisi ong-genchim. Papko a-gilsako dongaoniko pangnajolna ra-gale galna gita Isolni miksongani ong-a.

Norokni Jringjrotna Donganio Papko Dongangatkugenchim

Jringjrotna noroko saknae donganio papko dongangatkugenchim aro uko chu-gimik gimaatna man-jawachim. Jringjrotna noroko saknae donganide Isolni dal-gipa miksonganio mamung bak nangeja. Uandakgipa chanchichipaniara ka-sagipa Isolni rongtalgipa bimumgni kosako dosko dakani ong-a. Diabol an-chingni Ong-atgipako ka-namgijagipani bimango nikna nemen ka-sroka.



Jringjrotna Donggipa Norokko Sastroo Nikna Man-ja

"Jringjrotna noroko saknae dongani" gimin chanchichipe skianiara Sastrooni ong-ja, indiba dilsretgipa manderangonisa jemangan, ma-sirikgijanio, diabolni jakkalgipa dilgiparang ong-na man-a. Aro jensalo norokna kenani an-chingko gisik natatengon, an-chingara kenachi jokataniko man-ja indiba Isolni ka-sachakachIsaia.

15

Joka man-gijagiparanko nisiataniara Isolni dakrongbewaloni dingtanggipa ong-jama?

"Gitel Jihova indine agana, Angni tanga gita, denggugiparangni sianio Anga kusi ong-ja, indiba denggugipa an-tangni re-anioni an-pile tangosa, na-simang an-pilbo, an-tangtangni namgija re-anirangoni, an-pilbo; maina O Isrealni ma-chong, na-simang maini gimin sigen?" (Ezekiel 33:11).

"Mandeni Depante manderangni janggiranko nisiatna re-baja indiba uamangko jokatnasa" (Luk 9:56).

"Jihova chakatgen ... maikai Uni kamko, Uni dakronggija kamko, Ua ka-na man-gen, aro Uni dakaniko, Uni dakronggija dakaniko Ua chu-sokatna man-gen" (Isaia 28:21).

Aganchakani: Oe—Isolni kamde pangnan nisiatanina bate jokatnasa ong-a. Norokni wal-sareo papiranko nisiatnasianiara Isolni dakrongbewaloni namen dingtanggipa ong-a jekon Sastro "dakronggija kam" ine agana. Papiranko nisiatano Isolni ka-tong sagen. O, maikai sakantini janggiranko jokatna gita Ua bimchiye kamko ka-a! Indiba saoba Uni ka-saaniko gamchatnikgija dake jegalode aro papon dongkamode, jensalo Isol bon-kaman salni wa-alchi ia kenbegnigipa, namgijao dal-rorogipa (jekon "pap" ine mingachim) a-gilsakko ra-galon gisik pil-gijagipa papiranko nisichapana agre Uo mamung cholba dongjawaha.



Jokatna ine Uni Depante
jemangnan siahachim uamangko
Ua nisiatna nangahaon, Isol namen
ka-a be-gen.



16

Norokni ja-mano ia a-gilsakna aro Uni manderangna Isolni miksonganirangara maiarang?

“Uan bon-chongdikatgen; Duk changgni chakatjawa” (Nahum 1:9). “Anga salgi gital, aro aha gitalko ong-ata; aro skanggipa ong-anirangko gisik ra-jawa, aro gisiko najawa” (Isaia 65:17). “Nibo, manderang baksa Isolni dongchakani, aro ua uamang baksa donggen, aro uamang uni manderang ong-gen, aro Isol an-tangan uamang baksa ong-gen, aro uamangni Isol ong-gen. Aro ua uamangni mikrononi pilak mikchiko u-sitgen; aro siani ong-jawaha aro kalimani, aro chrikani, aro saknaani ong-jawaha. Skango ong-giparang re-angaha” (Parape-a 21:3, 4).



Aganchakani: Norokni wal-sare siani ja-mano, Isol gital a-gilsakko ong-atgen, aro pap napna skang jedake ong-achim, ugitan Edenni pilak nitoanirang aro rasongan gapanirang baksa Uni manderangna uko gital dakataigen. Saknaani, siani, duk ong-ani, grapani, mikchi ong-ani, saanirang, ka-donga gri ong-ani, sinteani, aro pilak paprang jringjrotna gimagnok.



Pap Dongtaijawaha

Pap pangnaba dongtaijawaha ine Isol ku-rachaka. Uni manderang chu-soksranggipa tom-tomani, ka-saani, katchaani, aro chu-ongnike kusi ong-anirang baksa gapgnok. Uamangni chu-soksrange kusi ong-e janggi tanganirang kattachi pangnaba talatna amaoni agansokna ampilgijagipa rasong aro kusi katchaani baksa namen chelbea. Salgiodo norokni aiao inmanpilgipa duk mikchi ong-anirang dongja. Mande jean ia aiao inmanpile nitobegipa songnokona napna basee ra-jachim, uni janggi tanga gimiko duk ong-batsranggipa baseani ong-aignok.

17

Norokni wa-alo Isolni papirangko jringna sastiko on-gijani gimin skie ra-anina na-ara mitelna sikgenma?

Nang-ni Aganchakani:

Nang·ni Sing·anirangna Aganchakaha

1. “Jringna noroko saknae dongani” gimin Sastro aganjama?

Aganchakani: Aganja—“jringna noroko saknae donganiko” aganani Sastroo dongja.

2. Indide mainasa papirangko kimitna man-gijagipa wa-alchi nisigen ine Sastro agana?

Aganchakani: Kimitna man-gijagipa wa-alara wa-al jean ra-galna man-gijagipa ong-a, indiba jean jensalo ua siahaon pilakkon tappra changatgipa ong-a. **Jeremia 17:27** o indake agana Jerusalemko kimitna amgijagipa wa-alchi nisiatgen, aro ia wa-al “Jeremiani ku-sikchi Jihovani kattako chu-sokatna” songjinmako kamaha ine **2 Serikani 36:19-21** o Sastro agana, aro ua mamungba donggiona ong-ataha. Indiba an-ching ma-sia je ua wa-al siaha, maina Jerusalemko da-ode kamjaha.

3. Mati 25:46 o papirang “jringjrotna sasti” man-gen ine aganjama?

Aganchakani: Uano donggipa kattara sastiona inesa ong-a, sasti on-enga ong-ja. Sasti on-enga ingenchimode ong-kame dong-enggipa ong-genchim, jeon sastiona ingipara changsasan dakgnigipa kam ong-a. Papirangni sastia siani ong-a, aro ia sianisa jringjrotna ong-a.

4. Na-a Mati 10:28 ko talatna man-genma: “Aro je manderang be-enko so-ota, indiba janggiko so-otna amja, uamangna da-ken”?

Aganchakani: Sastroo “janggi” ingipa kattani orto minggittam donga: (1) janggi gnanggipa ong-ani, **Abachenga 2:7**—(2) gisik, **Gitrang 139:14**—aro janggi, **1 Samuel 18:1**. Aroba, **Mati 10:28** o ia janggikoara jringjrotni janggi gita agana jekon uko ra-chakgipa sakantina Isol uko on-na ku-rachaka.

5. Mati 25:41 papirangna “jringjrotni wa-al” ni bidingo agana. Uara sigenma?


Aganchakani: Oe. Sastroni gitade, ua sigen. An-ching Sastroko Sastro an-tangan talatchina on-na nanga. Sodom aro Gomorraho jringjrotni wa-alchi nisiataha (**Juda 1:7**), aro ua wa-al “toromi ong-gija ong-gnigiparangna uarango dake mesokaniko donenba” mikrakatani gita uamangko “tappra pil-ataha” (**2 Pitor 2:6**). Ia songjinmarang da-alona keme dongjaha. Pilakko kamani ja-mano wa-al siaha. Uandake, papirangko tappra changpile kamanani ja-mano ia jringjrotni wa-alba sigen (**Malaki 4:3**). Ia wa-alni kame bon-atanisa jringjrotna ong-gen, indiba wa-al kamenganide ong-ja.

6. Luk 16:19-31 ni man-e cha-gipa aro Lazarusni golpoo jringjrotni noroko saknaani gimin skjama?

Aganchakani: Skija! Ian dingtangmancha toromni bidingo talatna Jisuni toe skianisa ong-a. Golponi miksonganiko pod 31 o nikna man-a. Toe skianikode golpo chong-mot ine ra-na nangja—ong-jaode, bol agana man-a ingipakoba an-ching bebero-aigen! (**Bichal Ka-giparang 9:8-15 ko nibo.**) larangan **Luk 16:19-31** ko Toe Skianirang ine adita chong-motgipa sakki on-anirang ong-a:

A. Abrahamni ka-bakde salgi ong-ja (**Ibrihangna 11:8-10, 16**).

B. Noroko donggipa manderang salgio donggipa manderang baksa golpogrikna man-ja (**Isaia 65:17**).



- C. Sigiminrang uamangni gopromon (**Job 17:13; Johan 5:28, 29**). Ua man-e cha-gipa mandede mikron, sre, undakgiparang gngang bimang gngansa ong-a, indioba Sastroni aganani gitade siahaon mandeni bimang norokchi re-angja indiba goprakon donga ine an-ching ma-sia.
- D. Manderang Jisuni gnigipa re-baosa man-gniko man-gen, siani somoio ong-ja (**Parape-a 22:12**).
- E. Gimagiminrangko a-gilsak bon-jokosa noroko galgen, uamangni siahaon ong-ja (**Mati 13:40-42**).
- 7. Indiba Sastroode papirang “jringjrotna” saknaako man-gen ine agananiko daka, aganjama?**

Aganchakani: Jringjrotna ingipa kattako King James Sastroo chang 56 janapani donga jerangan bon-chongdikaha. * Uan “changroa” ingipa katta baksa apsanaia, jean mandeko, bolrangko, ba a-brirangko talatanio dingtanggrikani donga. **Jona 2:6** o, “jringjrotna” inani ortoara “salgittam aro walgittam” ine ong-a. **Deuteronomy 23:3** o, chasong 10ko miksonga. Mande jatko talatanio, uani ortoara “uni janggi tanga dipet” ba “siaona kingking” ine ong-a. (**1 Samuel 1:22, 28; Reongkata 21:6; Gitrang 48:14 rangko nibo.**) Uni gimin papirangko uamangni janggi tanga dipet ba siaona kingking wa-alara kamgen. Papna wa-alni sastiara mande sakantikon papi kri bakroe kamani ong-gen, indiba sastini ja-manode, ua wa-al sigen. Jringjrotna saknaani gimin Sastroni gita ong-gija skiani diabolni pilak banaigiparangna bate manderangko Isolko bebera-atgijaniona dilanganian bang-bata. lan ka-sachakninggipa salgini Paani ka-saan gaggipa cholon bewalni kosako tol-e aganani ong-a aro Kristianni giproroaniko jriprip saknaataha.

*“Ever” ingipa kattako concordance-oniko nie nibo.

Nang.ni agananiko ba sing.anirangko iano sebo



Poraiani lesson 14 rangoni ia lesson sa ong-a!

Lesson prakan chong-motgipa aiao inmanirang baksa gapatako man-aha jean nang-ko aro nang-ni nokdangko dingtangtangen aro nang-na baikamgipa ka-donganiko ra-bagen.
Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljokatani

Poraiani 09: Rongtalani & Bil!

Poraiani 10: Sianiara Sibebeani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Papirangko norokona galatgen (1)

Uamangni sijoko
A-gilsak bon-joko
Satanchi

2. Norokni wal-sareo papirangni man-gniara (1)

Siani.
Jringjrotna saknaani.
Satanchi kal-steke ro-ako man-ani, jean nirok
simsagkipachim.

3. Norokni wal-sare (1)

A-gimiko Isolni don-gimin wa-al ong-gen.
Da-aon kamengaha.
Chasongnan on-changpilgija jringna kamgen.

4. Papirang jemangan siahachim, uamang (1)

Janggin' Chiripramo.
Norokni wal-saReongkata
Uamangni gopramrang.

5. Da-alo noroko mande jalaniara (1)

Saksaba dongkuja.
Millionrang.
Chansokgijani.

6. Norokni wal-sare (1)

Papirangni bimang mangmangkosan
nisiatgen.
Papirangni janggirangko jringjrotna
kal-stekgen.
Gimagiminrangni—janggiko aro bimang
minggnikon—tappreachangatgen, unikode
sigen.

7. Jringjrotni noroko saknaaniara (1)

Isolni dal-gipa daksamsoanio mingsa
nangchongmotgipa ong-a.
Uan diabolni skianisa ong-a aro rongtalgipa,
ka-saan gapgipa Isolni bimumgni kosako
tol-e agananisa ong-a, jean manderangni
saknaanio katchaachim.
Satanna kamko jringjrotna on-ani ong-a.

8. Sastroo “norokara” (1)

Pangan kamenggipa biapko miksonga.
Miksongani bang-a, uarangoni mingsara
“gopram” ine ong-a.
Satanni a-gilsakni ning-ao kal-steke rogipa
biapko miksonga.

9. Norokni miksonganiara (1)

On-skaani aro Isolni bobilrangko kal-steke
roani.
Namao janggi tangchina manderangko
kenatani.
A-gilsakoniko pap aro diabolko bon-srange
nisina aro toromirangko pangnajolna
naljokatna.

10. Manderangko noroko nisianiara (1)

Dal-gipa Isolni katchaani ong-gen.
Uko Isolni “dakronggija kam” ine minga,
maina uan manderangko Uni ka-sabee
jokatna miksongaoni namen dingtangbegipa
dakbewal ong-achim.
Isolni daksamsoani baksa nangrimgimin
Satanni kam ong-gen.

11. Norokni wal-sareni siani ja-mano, (1)

Satanko Isol a-gilsakni a-palchina watatgnok.
Isol chu-soksranggipa gital a-gilsakko
ong-atgen, jeon pap dongtaijawaha, aro uko
Uni manderangna on-gen.
Toromirang pap daktaina kena gnang janggi
tanggen.

12. Man-e cha-gipa mande aro Lazarusni golpoara (1)

Toe skianisa ong-a aro uko golpo chong-mot
ine ra-na nangja.
Jringna saknaani gimin skina uan Sastroni
sakki ong-a.
Noroko donggipa janggirang salgio donggipa
janggirang baksa golpogrikna man-a ine
sakkiko on-a.

13. Mandeni janggi tanganiko mesokanio jringjrotna ingipa kattako Sastroni jakkalaniana (1)

Uni ortoara "bon-changgijagipa somoi" ine
ong-a.
Namen ning-tua aro u-isokna man-gijagipa.
Uni ortoara "mandeni janggi tanga dipet" ba
"uni siaona kingking" ine ong-a.

14. Norokni wal-sareo Isolni papirangko jringna sastiko on-jawa ine skie ra-na man-ani gimin anga mitelna ska.

Mitelna ska.
Mitelna sikja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :		State :		Country :
Pin :		Bilsi :		Misi :

Nang.ni contact info-ko tik dake on.bo